

Protocol no. 102Sezzüda da lündeschdi, als 30 da gün 201420.00h - 23.15h

Preschaints: Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)
Pro las trattativas no. 912 – 917 il manader tecnic, Christian Poo.

Protocol

Ils protocols no. 100 e no. 101 da la sezzüda da marcurdi, als 11 da gün 2014 e da lündeschdi, als 16 da gün 2014 vegnan approvats.

912 021 FABRICA
Marco e Heidi Laurent-Domenig; lucarnas, sanaziun tet e stanzas novas i'l plan tet; parcella no. 1404 chasa 61 a Chasellas

Davart da la chüra da monumaints d'eiran gnüdas fattas pretaisas, las qualas sun gnüdas accumulidas. Ils patruns da fabrica ston amo inoltrar a quella plans da detagl. La fatschenda ais uschè in uorden. A regard pretaisas da plazzas da parcar vain la fatschenda eir accumulida. Pertoccant la nouva sortida previssa illa giassa vers nord sto esser avantman in scrit, ant co chi vain cumanzà da fabricar, il contrat per ün dret da surfabricar. Perintant ais quel avanmtan in möd approximativ. Sün proposta da la cum. da fabrica conced'il cussagl il permiss da fabrica.

913 021 FABRICA
Armin Rütthard; müdamaints da proget chasa da plüssas abitaziuns; parcella no. 92 a Pradè

Id ais gnü inoltrà la dumonda pel müdamaint da proget per ingrondir la surfatscha dal plan terrain. Pervi cha quel as rechatta suotterran po gnir fabrichà plü dastrusch a las parcelas vaschinas. L'acconsentimaint davart da la fam. Corradini per fabricar fin sül cunfin sco eir pellas lavuors da s-chav ais avantman. L'acconsentimaint pellas lavuors da s-chav vers vest da la fam. Poo ais avantman.

Il cussagl pretenda üna grossezza da terra naira d'almain 40 cm pro la fatschada e sur l'entrada da garascha vers süd, per chi saja là garanti ün inverdimaint intensiv.

914 021 FABRICA
Martin Etter; Iglu – agroturistem bain Tschern; parcella no. 1151

Illa tratta dal proceder dal BAB vaiva la Pro Natura inoltrà protesta cunter l'intent da fabrica. Il permiss davart l'uffizi chantunal (ARE) ais uoss'avantman. Il patron da fabrica sto però accumplir diversas pretaisas. Il cussagl conced'il permiss da fabrica in möd posteriur, quai in basa dal permiss (BAB) cun tuot las pretaisas e cundiziuns.

915 021

FABRICA

Jon Peder Benderer; access pel plan suotterran chasa d'abitar via da Tschern; parcella no. 1041 e 1042

Il patrun da fabrica vaiva previs d'eriger vers ost üna s-chala pel access. El ha però desisti da quai ed ha construi üna senda chi maina giò pro l'entrada dal plan suotterran. Il trassè da quella transischa per üna pitschna part sur la zona da cumün schlargiada illa zona per fabricats publics (il terrain ais però possess privat). L'art. 59 da la ledscha da fabrica permetta quai. Uschè conced'ìl cussagl il permiss per eriger quella senda d'access. In cas d'ün ev. bsögn public sto la senda gnir levada.

917 021

FABRICA

Not Vital; nouv atelier; parcella no. 545 a Prà Grond; surpassamaint da fabrica

A chaschun d'üna visita oculara ais gnü constatà davart da l'uffizi da fabrica, cha'l stadi actual dal fabrica nu correspuonda culs plans acconsentits pertocant las construcziuns sün tet. Il cussagl decida da relaschar subit üna fermada da construcziun, però be pella part chi'd ais gnüda surpassada. Il patrun da fabrica vain uschè oblià d'inoltrar subit plans adattats a la situaziun actuala, ils quals gnaran lura examinats da la cumischiun da fabrica. Ultra da quai vain la fatschenda a regard il conceder ün ev. permiss posterieur eir suottamissa al perit.

Andrea Gasser / mür da crappa sün terrain cumünal / parcella no. 349 a Curtin Sot

Cun seis fabricat vaiva sar Gasser previs da construir ün mür pro'l üert vers vest. Causa cha sia parcella cunfina culla parcella cumünala ha il patrun da fabrica offri al cumün la construcziun da quel mür eir per üna part sülla parcella dal cumün. In quel möd ais garanti, cha l'access public e la colliaziun culla giassa saja dat in möd bain transibel. Il cussagl va d'accord ed accepta quella sporta. El metta però cundiziun, chi vain stipulada üna cuvegna tanter patrun da fabrica ed il cumün chi regla, cha la part dal mür sto gnir levada, quai scha bsögn fa o scha davart d'ün vaschin gnissan fattas ev. pretaisas a regard access.

918 620.501

Trafic / Vias e piazzas

Imbellimaint Plaz / dumonda davart da la Posta

Davart da la Posta vain dumondà, scha'l cumün es pront da dischlochar la piazza da fermativa da Sot Pradè our in Plaz. Quai significhess, cha la piazza existentia stuvezz gnir scholta e ch'our a Plaz gniss montà ün automat per bigliets. Ultra da quai stuvezz quel gnir cuverrà cun ün suost e la Posta stuvezz eir adattar seis uraris.

Il cussagl discuta in möd vast e tir'in consideraziun diversas variantas e pussibilitats sco p.ex. eir la varianta, schi gniss in dumonda da redüer piazzas da parcar per s-chaffir il spazi bsögnaivel a Plaz. El riva però a la conclusiun, cha la fatschenda nun ais amo madüra per trar qua decisiuns. El decida da tour posiziun vers la Posta in sen negativ. La situaziun vain laschada in möd existent fin chi nu's fa prevalair üna soluziun cuntantaivla.

919 620.501

Trafic / Vias e piazzas

Tablas «Attenziun uffants»

Il manader tecnic, ha fat ils sclerimaints a regard il plazzar da quellas tablas. Eir in lös chi regna «zona da sveltezza 30» ais quai pussibel da plazzar quellas tablas. I bsögna però l'acconsentimaint da la pulizia chantunala.

Il cussagl decida d'inoltrar la dumonda e quai pels seguaints lös:

- Sala / - Saglina / - Plaz / - Schigliana.

920 300.365.50 Cultura e temp liber
Contribuziuns e donaziuns diversas

In connex cullas activitats «giubileum 100 ons Parc Naziunal svizzer» dal cumün da Scuol aint in S-charl dumondan ils respusabels per ün sustegn finanziel. Il capo manzuna, chi'l ravuogl dals capos dals oters cumüns (Ftan) as haja decis da contribuir fr. 500.00. Il cussagl decida da contribuir la medemna somma eir pel cumün da Sent.

921 DIVERSAS SCHEFS

Molocs a Davo Stron / parcella M. Jenny

Il manader tecnic manzuna, cha la pendenza po gnir reglada. Subit cha sar Jenny as rechatta la prosma jada a Sent s'annunzcha quel pro'l cumün per trattar sur d'üna soluziun.

Archs da l'artist Cotti pro l'entrada da cumün

Il manader tecnic orientescha sur da seis sclerimaints fats in chosa. La disposiziun davart dal departamaint d'eira avantman dal 2008, però na il permiss dal BAB. Davo avair fat là üna visita occulara culs respunsabels da l'uffizi chantunal nu vaiv'il cumün plü perseguità la fatschenda. Il cussagl prevezza uossa da sclerir cul uffizi chantunal, schi nu füss pussibel da survgir danouvmaing la disposiziun dal departamaint e lura il permiss dal BAB, causa müdamaints previs dal lö.

Uffizi forestal / mecanissem da transmissiun dal tractor

M. Caviezel orientescha, cha quel d'eira defet ed ha stuvü gnir rimplazzà. La somma s'amunt'a fr. 18'000.00. Il cussagl conced'il credit necessari.

Uffizi forestal / giarsun Bastian Janett / examen da conclusiun

Cun satisfacziun e plaschair pigl'il cussagl cogniziun dal fat, cha Bastian ha raggiunt la megltra nota da tuot il Chantun sül sectur forestal, dimena 5,5. El ha per quai pudü tour in consegna il permi, dedichà da God Grischun, «la sgür d'or». Ultra da quai ha el eir pudü tour in consegna ün fich bel premi pella plü ota media da l'attestat da scoula d'urant tuot il temp da giarsunadi, dedichà da la fundaziun Doris Bäder - Gabriel, San Murezzan. Ad el gratulesch'il cussagl pella grondiusa prestaziun e til giavüscha tuot il bun pel avegnir in sia professiun sco eir privat til ingrazchond per seis ingaschamaint a böen dal cumün.

Administraziun cumünala / giarsun Arno Valentin / examen da conclusiun

L'actuar orientescha, ch'Arno ha fat l'examen e til conclus cun bun success. Cun satisfacziun pigl'il cussagl cugnuschentscha da quai. El gratulesch'ad Arno pella buna prestaziun e til giavüscha tuot il bun pel avegnir til ingrazchond per seis ingaschamaint a böen dal cumün.

Sanaziun chasa da scoula / Surdatta da lavuors

A. Poo preschainta las offertas examinadas e missas in net davart da la cumischiun dal proget. Il cussagl surdà quellas, seguond proposta da la cumischiun, adün'al plü favuraivel offerent, sco segua:

<u>Gener da lavur</u>	<u>Impraisa</u>	<u>Predsch</u>
- lavuors d'adattaziun	J.M. Taverna, Sent	fr. 1'128.50
- plafuonds chi pendan giò	Andri Taverna, Sent	fr. 10'862.35
- parais internas in möd da construcziun leiva	J.M. Taverna, Sent, Sent	fr. 10'096.40
- lavuors d'isolaziun chaistas pellas rolleras	Andri Taverna, Sent	fr. 8'001.50
- üschs interns, fronts pels indrizs da musica e pel scumpart sanitari, invalidradüra festa piertans	Andri Taverna, Sent	fr. 50'016.80

